

Evening Dogri (NSD) Bulletin 08-08-2025

आकाशवाणी

खबरां ----

1. सरकार नै 2025-26 बरे च उज्जवला योजना लेई लक्षित पी.जी सब्सिडी गितै 12 ज्हार करोड़ रपे दी मंजूरी देई दिती।
2. बिहार एस.आई.आर मुद्दे गी लेइयै संसद च शोर-शराबे करी दौनें सदनं दी कार्यवाही दिन भरै लेई स्थगित।
3. शिड़क योतायात ते जरनैली शिड़क मंत्री नितिन गडकरी होरें आखेआ जे इस ब'रे दे अखीर तोड़ी भारत दी लाजिस्टिक्स लागत घटियै 9 फीसद रेई जाग।
4. राष्ट्रपति द्रौपदी मुर्मू होरें रक्षा बंधन दी पूर्व संध्या पर देशवासियें गी शुभकामनां दित्तियां।
5. Israel कैबिनेट नै गाजा शैहर पर कब्जे दे प्रधानमंत्री Benjamin Netanyahu हुंदे प्रस्ताव गी मंजूरी देई दितीं युद्ध समाप्ति दी 5 सूत्री योजना गी अपनाया।
6. टेनिस च Victoria Mboko होरें नाओमी ओसाका गी हराइयै कनाडा ओपन च अपना पैहला WTA 1000 खताब जित्तेआ।

<><><><><><>

Cabinet-Decision

प्रधानमंत्री नरेंद्र मोदी हुंदी अध्यक्षता च केंद्री कैबिनेट नै प्रधानमंत्री उज्जवला योजना दे उपभोक्ताएं लेई बरे 2025-26 तोड़ी लक्षित सब्सिडी जारी रखने गी मंजूरी देई दित्ती ऐ। जिसदी अनमानित लागत 12 जहार करोड़ रूपै शा मती ऐ। सूचना ते प्रसारण मंत्री अश्विनी वैशणव होरें आखेआ जे इस योजना तैहत 10 करोड़ 33 लक्ख शा मते परोआर लाभांवित होए ना। सरकार प्रति बरे 9 रिफिल तोड़ी 14 अशारिया 2 किलोग्राम दे सिलेंडर पर 300 रपे दी लक्षित सब्सिडी प्रदान करोग। मंत्री होरें घोषणा कीती जे सरकार तकनीकी शिक्षा योजना च बहु विषयक शिक्षा ते अनुसंधान सुधार लेई 4 जहार 200 करोड़ रपे दे बजटीय समर्थन गी अपनी मंजूरी देई दित्ती ऐ। उनें आखेआ जे सरकार नै असम ते त्रिपुरा लेई विशेष विकास पैकेज दी मौजूदा केंद्री क्षेत्र योजना तैहत 4 जहार 250 करोड़ रपे दे कुल परिव्यय कन्नै 4 नमें घटके गी बी मंजूरी देई दित्ती ऐ।

<><><><><><>

Parliament-Adjourned

संसद दे दौनें सदनें दी कार्यवाही अज्ज बिहार च विशेष गहन पुरीक्षण कार्य दे मुद्दे पर विपक्षी दलें दे विरोध करी दिन भर लेई स्थगित करी दित्ती गई। लोकसभा दी कार्यवाही जिसलै दपहरी 3 बजे फी शुरू होई तां बरोधी धडत्रें दे सदस्य सदन दे बिच्चो बिच्च आई गे ते विशेष गहन पुनरीक्षण कार्य दे मुद्दे पर नारेबाजी करन लगी पे। पीठासीन अधिकारी होरें बरोध करा रदे विपक्षी सदस्यें गी अपनी सीट पर जाने दा आग्रह कीता। केंद्री खजाना मंत्री निर्मला सीतारमण होरें सदन आसेआ अनुमोदित आयकर विधेयक-2025 गी वापस लैने सरबंधी प्रस्ताव गी अगगे बदायां शोर-शराबा जारी रोहने करी संसदीय कार्य मंत्री किरेंन रिजिजू होरें आखेआ जे शुक्रवार दा दिन निजी सदस्य विधेयक लेई

आरक्षित ऐ। मगरा बरोध करने आहले सदस्येँ अपना बरोध जारी रक्खेआ। उनें आखेआ जे सरकार हर मुद्दे पर चर्चा लेई तैयार ऐ। इस चाल्ली दी स्थिति राज्यसभा च बी दिक्खने लेई लब्बी। उपसभापति होरेँ राजनीतिक दलेँ आसेआ दित्ते गेदे स्थगन प्रस्ताव गी खारिज करी दित्ता। तोआई, लोकसभा अध्यक्ष ओम बिरला ते राज्यसभा उपाध्यक्ष हरिवेश होरेँ सदन दी कार्यवाही च उत्पन्न बाधा पर नाखुशी व्यक्त कीती।

<><><><><><>

Uttarkashi-Dharali Rescue

उत्तराखंड दे उत्तरकाशी जिले दे आपदा प्रभावित धराली क्षेत्र च राहत ते बचाव कम्म लगातार चौथे दिन बी जारी ऐ। केंद्र ते राज्य सरकार दी टीमां अभियान च सक्रिय रूप नै कम्म करा करदियां ना। दपैहरी तोड़ी 70 शा मते लोकेँ गी आई.टी.बी.पी मातली हैलीपैड पजाया गेआ जित्थे उनेंगी सुरक्षित उन्दे गंतव्येँ लेई रवाना कीता जारदा ऐ। प्रभावित इलाकेँ च हैलीकाप्टरेँ जरिए पीने आहला पानी, दवाइएँ ते खाने-पीने सने राहत सामग्री पजाई जारदी ऐ। मुखमंत्री पुष्कर सिंह धामी होरेँ अज्ज बडुलै धराली च चला'रदे बचाव कम्मेँ दी समीक्षा कीती।

<><><><><><>

Gadkari-Conclave

केंद्री शिक्षक परिवहन ते जरनैली शिड़क मंत्री नितिन गडकरी होरेँ विश्वास व्यक्त कीता ऐ जे इस बर'रे दे अखीर तोड़ी भारत दी लाजिस्टिक लागत घटियै 9 फीसद रेई जाग। अज्ज नमीं दिल्ली च निजी समाचार चैनल आसेआ आयोजित इक सम्मेलन च बोलदे होई

श्री गडकरी होरें एहदा श्रेय देश दे शिडक बुनियादी ढांचे च होए दे उल्लेखनीय सुधार गी दित्ता। श्री गडकरी होरें आखेआ जे लाजिस्टिक लागत च एहू कमी देश दे निर्यात क्षेत्र गी व्यापक बढावा देग।

<><><><><><>

Prez. Rakhi Wish

राश्ट्रपति द्रौपदी मुर्मू होरें रक्षाबंधन दी पूर्व संध्या पर देशवासियें गी शुभकामनां दित्तियां ना। अपने संदेश च राश्ट्रपति होरें इस गल्ला पर लौ पाई जे रक्षाबंधन दा पवित्र त्योंहार पेन प्रा बशकार प्रेम ते विश्वास दे अनूठे बंध दा प्रतीक ऐ। उनें आखेआ जे एहू त्योंहार समाज च सद्भाव ते एकता दी भावना गी बढावा दिंदा ऐ। राश्ट्रपति होरें आखेआ जे एहू मौका भारत दी समृद्ध सांस्कृतिक विरासत ते नैतिक मूल्यें गी सुरक्षित करने दा बी मौका ऐ ते एहू महिलाएं दे अधिकारें दी रक्षा ते उन्दे सम्मान प्रति संकल्प गी मजबूत करदा ऐ।

<><><><><><>

NHM-LS

स्वास्थ्य ते परिवार कल्याण राज्यमंत्री अनुप्रिया पटेल होरें आखेआ जे राश्ट्री स्वास्थ्य मिशन एनएचएम तैहत केंद्र राज्यें गी तकनीकी ते माली सहायता प्रदान करारदा ऐ तां जे ओहू अपनी बुनियादी ढांचे गी मजबूत करी सकै ते जनशक्ति दी जरूतें गी पूरा करी सकै। अज्ज लोकसभा च प्रश्नकाल दरान पूरक प्रश्नं दा जवाब दिंदे होई उनें आखेआ जे जन स्वास्थ्य ते अस्पताल राज्य दा विषे ऐ ते भर्ती ते नियुक्ति सने स्वास्थ्य सेवा प्रणाली गी मजबूत करने दी जिम्मेदारी राज्य सरकारें दी ऐ। इक होर सुआल दा परता दिंदे होई

पटेल होरें आखेआ जे नरेंद्र मोदी सरकार डाक्टरें ते विशेषज्ञ डाक्अरें दी उपलब्धता बदाने लेई प्रतिबद्ध ऐ।

<><><><><><>

ICMR

भारती आयुर्विज्ञान अनुसंधान परिषद ते स्वास्थ अनुसंधान विभाग नै अज्ज नमीं दिल्ली च जेक्स्टजेन एक्पलोरर्स लेई विज्ञान ते स्वास्थ्य नवाचार विषे पर इक राश्ट्रव्यापी छात्र आउटरीच कार्जक्रम दा आयोजन कीता। इस पहल दा मकसद छात्रें गी स्वास्थ ते जैव चिकित्सा अनुसंधान क्षेत्र गितै परिचित करना हा। कार्यक्रम च कक्षा 9 शा 12 तोड़ी दे स्कूलें दे कोई 13 ज्हार शा मते छात्र शामिल होआ रदे न। इस मौके पर आई.सी.एम.आर दे महानिदेशक डॉ. राजीव बहल होरें आखेआ जे एह पैहल नवाचार गी बढावा देने ते स्वास्थ शोधकर्ताएं दी अगली पीढी गी प्रेतिर करने च मदद करोग।

<><><><><><>

PM-Jammu

प्रधानमंत्री नरेन्द्र मोदी होर औंदी 10 अगस्त गी पंजाब दे अमृतसर ते श्री माता वैष्णो देवी कटरा बश्कार वंदे भारत एक्सप्रेस रेल सेवा गी वर्चुअल ढंग्गै नै झंडी दस्सियै शुरू करवाडन। एह वंदे भारत एक्सप्रेस रेल हर हफते मंगलवार गी छोड़ियै बाकी दे 6एं दिनें श्री माता वैष्णो देवी कटडा ते अमृतसर बश्कार फेरे ला करोग।

<><><><><><>

NCERT-New Chapters

भारत दे महानतम सेना नायकें बिचा इक्क गी श्रद्धांजलि दिंदे होई एन.सी.ई.आर.टी नै अगले शैक्षणिक बरै आस्तै अपने पाठ्यक्रम च ब्रिगेडियर मोहम्मद उस्मान हुंदे बारै च इक विशेष अध्याय जोड़ेआ ऐ। नमें अध्यायें च कई युद्धें दे नायक फील्ड मार्शल सैम मानेकशा ते मेजर सोमनाथ शर्मा हुंदियां कहानियां बी शामिल होइना। ब्रिगेडियर उस्मान, जिनेंगी नौशहरा दे शेर दे नांऽ कन्नै जानेआ जंदा ऐ। 1948 च जम्मू-कश्मीर च पाकिस्तानी बलें ते जनजाति हमलावरें दे खलाफ अपने सैनिकें दी अगुवाई करदे होई देश लेई अपनी जान न्यौछावर करी दिती ही। रक्षा मंत्रालय आसेआ समर्थित पाठ्यक्रमें दी इस पैहल दा मकसद विद्यार्थियें गी बहादुरी, त्याग ते राश्ट्री कर्तव्य दी नेइयें मसालें कन्नै प्रेरित करना ऐ।



Israel-Gaza

इजराइल दे सुरक्षा मंत्रिमंडल नै प्रधानमीं बेंजामिन नेन्तयाहू होरें गी गाजा शैहर गी अपने कब्जे च लेने दे प्रस्ताव गी मंजूरी देई दिती ऐ। मंत्रीमंडल नै गाजा च युद्ध समाप्त करने लेई 5 सिद्धांत बी अपनाए न जिंदे च हमास गी निरस्त करना, सब्बे बंधकें-जीवित जां मृतकें दी वापसी, गाजा दा विसैन्यीकरण, गाजा च इजराइली सुरक्षा नियंत्रण स्थापित करना ते नेया नागरिक प्रशासन दी स्थापना शामिल ऐ जेडे ना ते हमास ते ना गै फिलीस्तीन प्राधिकरण दे अधीन होना।



Nadda

रसायन ते उर्वरक मंत्री जगत प्रकाश नड्डा होरें आखेआ ऐ जे सरकार उर्वरकें दी तस्करी ते जमाखोरी रोकने लेई प्रतिबद्ध ऐ। लोकसभा च अज्ज प्रश्नकाल दरान इक सुआल दा परता दिंदे होई श्री नड्डा होरें आखेआ जे उर्वरक जरूरी वस्तु ऐ ते इसी उर्वरक नियंत्रण आदेश 1985 ते उर्वरक संचालन नियंत्रण आदेश 1973 तैहत अधिसूचित कीता गेआ ऐ। उनें आखेआ जे राज्य सरकारें गी उर्वरक नियंत्रण आदेश तैहत उर्वरकें दी कालाबजारी, हेराफेरी ते तस्करी गी रोकने ते जरूरी वस्तु अधिनियम 7955 दे प्रावधानें दा उल्लंघन करने च शामिल कुसै बी व्यक्ति पर कार्रवाई करने दा अधिकार ऐ।



Amarnath-Yatra Final Leg

श्री अमरनाथ जी दी इस बरे दी जात्तरा दा अखीरी चरण अज्ज शुरू होई गेआ। महंत देपेंद्र गिरी होरें पवित्तर छडी मुबारक जात्तरा गी दशनामी अखाडा मंदरा थमां पवित्तर गुफा बक्खी लेने दी अगुवाई कीती। इस बरे दी श्री अमरनाथ जी दी जात्तरा त्रै जुलाई गी शुरू होई ही ते कल रक्खड़ पुण्णेया दे पवित्तर मौके पर एहू सम्पन्न होई जाग। इस बरे मेदें थमां मते 4 लक्ख 10 ज्हार शा बद्द शरदालुएं बाबा बर्फानी दे दर्शन कीते ना। देश-विदेश थमां शरदालुएं पूरे-जोश ते आस्था दे कन्नै इस जात्तरा च हिस्सा लैता ऐ।



CRPF DG-Tribute

केद्री रिजर्व पुलस बल दे महानिदेशक ज्ञानेन्द्र प्रताप सिंह होरें जंदे रोज होए दे इक मंगे भागें आहले शिडक हादसे च जान मुहाने आहले दलेर जवानें गी अज्ज जम्मू च श्रद्धांजलि अर्पित कीती। इस मौके पर लोआए गेदे श्रद्धांजलि कार्यक्रम दरान इनें जवानें दे बलिदान ते राष्ट्र सेवा गी नमन कीता गेआ। महानिदेशक होरें आखेआ जे ओह उधमपुर दे फौजी अस्पताल जाइयै उत्ये जेरे इलाज जखमी जवानें दी डोल पुच्छडन। सी.आर.पी.एफ नै सौगी परौआरें प्रति हमदर्दी जतांदे होई इस औक्खी घड़ी च उ'नेंगी हर मुमकिन मदाद दा भरोसा दोआया।



Baramula Terror Hideout

बशेश सूह दी बुनियाद पर कार्रवाई करदे होई जम्मू-कश्मीर पुलस नै गोगलदरा-दानवास जांगली खेत्तर च इक आतंकवादी ठकाने गी कामयाबी कन्नै खत्म करी दित्ता। इक सोशल मीडिया पोस्ट च बारामूला पुलस नै एह सूचना दित्ती ऐ जे अभियान दे फलसरूप इक पिस्तौल, इक मैगजीन, 9 राउंड, गोला-बरूद, इक ग्रेनेड ते मेडिकल सप्लाई जब्त कीती गेई। अधिकारिणं पुलस स्टेशन टंगमार्ग च इक एफ.आई.आर दर्ज कीती ऐ। एहदे च शामिल लोकें पंछान करने ते उ'नेंगी फडने आस्तै वर्तमान च इक व्यापक जांच जारी ऐ। पुलस ने लोकें गी खेत्तर च शांति ते सुरक्षा यकीनी बनाने आस्तै अपनी बचनबद्धता गी फी पक्का कीता ऐ।



Tennis

टेनिस च 18 बरे दी कनाडा दी Wild Card विजेता Victoria Mboko होरें 4 बारी दी Grand slam champion नाओमी ओसाका गी 2-6, 6-4, 6-1 कन्नै हराइयै कनाडा ओपन च अपना पैहला WTA 1000 खताब जिती लैता। इस जित्त करी Mboko हुन WTA Ranking च 25मीं थाहर पर आई गेआ ऐ। पुरुषें दे सिंगल्स च Ben Shelton हारें लिटल खिताब Montreal च 11में वरीयता प्राप्त रूस दे Karen Khachanov गी 6-7, 6-4, 7-6 कन्नै हराइयै अपने नां करी लैता।



CM-Shrine

मुखमंत्री उमर अब्दुल्ला होरें औंदी उर्स मुबारक कौला पैहले श्रीनगर च सुलतान-उल-अरीफीन-शेख-हमजा-मकदूम हुंदी पवित्तर दरगाह च मत्था टेकेआ। इस मौके पर सलाहकार नासिर सौगामी ते जाडीबल थमां विधायक तनवीर सादिक बी उन्दे कन्नै हे। मुखमंत्री होरें जम्मू-कश्मीर दे लोकें लेई रमानदारी, खुशहाली ते कल्याण दी दुआ मंगी। उंदे इस दौरे दे कन्नै इस सालाना उर्स लेई इस आध्यात्मिक तैयारिणं दी शुरूआत होई गेई ऐ। प्रदेश दे बक्ख-बक्ख हिस्सें थमां हर बरे ज्हारां बद्दे श्रद्धालु उत्थे मत्था टेकन जंदे ना।

